

Объектнинг лойиҳаолди ва лойиҳа-смета ҳужжатларини ишлаб чиқиш бўйича
“02/03-”-СОНЛИ ШАРТНОМА

2022 йил “ 28 ” сентябр

Тошкент шаҳри

Ўзбекистон Республикаси Соғлиқни сақлаш вазирлигининг “Тиббиёт қурилиш инжиниринг” давлат унитар корхонаси номидан, кейинги ўринларда “Буюртмачи” деб юритиладиган, Соғлиқни сақлаш вазирининг 2021 йил 05 июлдаги 262-К-сонли буйруғи ҳамда корхона Низоми асосида иш юритувчи директор вазифасини вақтинча бажарувчи А.Н.Худайбердиев бир томондан “ТАЪМИРЛОЙИХА” масъулияти чекланган жамияти кейинги ўринларда “Бош лойиҳачи” деб юритиладиган, жамиятнинг Низоми асосида иш юритувчи директори М.Қ.Ахмедов иккинчи томондан, биргаликда “Тарафлар” деб юритилади, қуйидагилар юзасидан мазкур шартномани туздилар.

1. Шартнома мавзуси

1.1. Бош лойиҳачи Соғлиқни сақлаш вазирлиги ҳузуридаги “Тиббиёт қурилиш инжиниринг” ДУК танлов комиссиясининг 2021 йил 20 декабрдаги 2021-14-2-сонли баёнига мувофиқ ғолиб деб топилган бўлиб, мазкур шартномага қўра Тошкент шаҳар Мирзо Улугбек тумани 2-сонли клиник шифохонасини реконструкция қилиш объектининг лойиҳа-смета ҳужжатларини ишлаб чиқиш ва Қурилиш вазирлиги ҳузуридаги шаҳарсозлик ҳужжатлари экспертизасидан хулосасини олиш билан биргаликда, объектнинг атроф-муҳитга таъсирини баҳолаш (АМТБ) лойиҳасини ишлаб чиқиш (тузиш) ва давлат экология кўмитасидан хулосасини олиш, ҳудуднинг топографик тасвирларини олиш (зарур бўлганда) (кейинги ўринларда лойиҳаолди ва лойиҳа смета ҳужжатлари деб аталади) мажбуриятини ўз зиммасига олади.

Буюртмачи эса бажарилган ишларни қабул қилиш ва уларга ҳақ тўлаш мажбуриятини олади.

Бош лойиҳачи лойиҳа-смета ҳужжатларини ишлаб чиқиш ва тайёрлаш бўйича амал қилиш муддати чекланмаган 15.11.2019 йилдаги АЛ-000341-сонли лицензияга эга.

1.3. Ишлаб чиқиладиган лойиҳаолди ва лойиҳа-смета ҳужжатлари рўйхати, қиймати ва бажариш муддатлари ушбу шартноманинг ажралмас қисми ҳисобланган 1-иловада келтирилган.

1.4. Бош лойиҳачи кўрсатиб ўтилган ишларни “Корхона, бино ва иншоотлари лойиҳа-смета ҳужжатларининг таркиби, ишлаб чиқиш тартиби ва тасдиқлаш ҳақида”ги 1.03.01-03 ШНК қоида ва қўлланмалари ва мазкур шартноманинг ҳужжатларига асосланиб бажаради ва тугаллайди.

1.5. Бош лойиҳачи томонидан тайёрланган топшириқ Буюртмачи томонидан тасдиқланган пайтдан бошлаб Тарафлар учун мажбурий ҳисобланади.

Бош лойиҳачи лойиҳаолди ва лойиҳа-смета ҳужжатларини ишлаб чиқиш учун топшириқ ва бошқа дастлабки маълумотларда кўрсатилган талабларни бажариши шарт ва улардан фақат Буюртмачининг розилиги билан четга чиқиш ҳуқуқига эга.

1. Шартнома баҳоси ва тўлов қоидалари

2.1. Мазкур шартноманинг қиймати ҚҚС билан 28 528 000,00 (йигирма саккиз миллион беш юз йигирма саккиз минг) сўмни ташкил этади.

Шартноманинг қолган қиймати Республика бюджетидан маблағ ажратилгандан сўнг, ўрнатилган тартиб асосида молиялаштириб борилади

Мазкур суммага Бош лойиҳачининг лойиҳаолди ва лойиҳа-смета ҳужжатларини тегишли органлар ва ташкилотлар билан келишиш, экспертизадан ўтказиш, ҳимоя қилиш ҳамда бошқа жараёнларнинг барча харажатлари киритилган.

2.2. Шартнома бўйича барча тўловлар ушбу мақсадлар учун бюджет маблағлари ажратилишига боғлиқ ҳолда амалга оширилади.

2.3. Буюртмачи шартномани Молия вазирлигининг Ҳазначилик бошқармасида рўйхатдан ўтказилган ва ушбу мақсадлар учун маблағ ажратилган кундан бошлаб 5 (беш) банк куни ичида шартнома қийматининг 15% миқдоридagi бўнақ тўловини амалга оширади. Бўнақ тўловининг миқдори ҚҚС билан 4 279 200 (тўрт миллион икки юз етмиш тўққиз минг икки юз) сўмни ташкил этади.

Тўловнинг қолган қисми тайёр бўлган лойиҳаолди ва лойиҳа-смета ҳужжатларини топшириш-қабул қилиш далолатномаси ва ҳисоб-фактуралар тарафлар ўртасида имзоланган кундан бошлаб **5 (беш)** банк иш куни давомида амалга оширилади.

2.4. Лойиҳаолди ва лойиҳа-смета ҳужжатларини ишлаб чиқиш бўйича бажарилган ишлар учун жорий молиялаштириш Буюртмачи томонидан тасдиқланган далолатномалар асосида олдиндан ажратилган бўнак маблағи ушлаб қолиниб амалга оширилади.

2.5. Бош лойиҳачининг жорий молиялаштириш ишларни топшириш-қабул қилиш оралиқ далолатномалари имзолангандан сўнг **5 (беш)** банк иш кунида амалга оширилади.

2.6. Якуний ҳисоб-китоб лойиҳаолди ва лойиҳа-смета ҳужжатлари бўйича экспертиза хулосаси олингандан сўнг, бажарилган ишлар топшириш-қабул қилиш далолатномаси топширилгандан сўнг амалга оширилади.

2.7. Лойиҳаолди ва лойиҳа-смета ҳужжатларини ишлаб чиқиш бўйича ишлар қийматини бир томонлама кўпайтиришга йўл қўйилмайди.

2. Ишларни бажариш муддатлари

3.1. Бош лойиҳачи мазкур шартномага асосан лойиҳаолди ва лойиҳа-смета ҳужжатларини ишлаб чиқиш ишларини куйидаги муддатларда бажаради:

- ишларни бошланиши биринчи бўнак тўлови олган куни ҳисобланади;
- ишларни тугатиш муддати мазкур шартноманинг 1-иловаси билан белгиланади;

3.2. Бош лойиҳачи ишларни муддатидан олдин бажаришга ҳақли, Буюртмачи эса ишларни қабул қилишга ва уларнинг қийматини шартномада келишилган шартларда ва муддатларда тўлашга мажбур.

3.3. Бош лойиҳачига боғлиқ бўлмаган ҳолда Буюртмачи томонидан молиялаштириш кечиктирилганда ёки бирламчи маълумотлар ўз вақтида тақдим қилинмаган ҳолларда ишларни давом эттириш муддати молиялаштиришнинг кечиктирилган ёхуд бирламчи маълумотлар тақдим қилиниши кечиктирилган вақтга мутаносиб тарзда узайтирилади.

3.4. Бош лойиҳачи мазкур шартномада кўзда тутилган ишларни бажаришда учинчи шахсни мустақил равишда жалб қилиш ҳуқуқига эга. Бундан Бош лойиҳачи ишларнинг камида 30 фоизини бажариши лозим.

3.5. Лойиҳа ишларини тугатиш муддати **15 (ун беш)** кун.

4. Томонлар мажбуриятлари

4.1. Буюртмачининг мажбуриятлари:

4.1.1. Шартнома бўйича тўловларни ўз вақтида амалга ошириши ҳамда топширилган-қабул қилиб олинган ишлар учун мазкур шартномада келишилган тартибда ҳисоб-китоб қилиши;

4.1.2. Ишнинг ўз вақтида бошланишини, уларни ўз вақтида бажарилишини таъминлаш учун шарт-шроит яратилиши;

4.1.3. Бош лойиҳачининг хўжалик фаолиятига халақит бермасдан, бажарилган ишлар сифатини, уларни ишлаб чиқариш шартларига риоя қилинишини назорат қилиб бориш;

4.1.4. Бош лойиҳачидан олинган лойиҳаолди ва лойиҳа-смета ҳужжатларидан фақат шартномада назарда тутилган мақсадларда фойдаланиши, лойиҳаолди ва лойиҳа-смета ҳужжатларини Бош лойиҳачининг розилигисиз учинчи шахсларга бермаслиги ва ундаги маълумотларни ошкор қилмаслиги;

4.1.5. Лойиҳа ишларини бажаришда шартномада назарда тутилган ҳажмда ва шартларда Бош лойиҳачига хизмат кўрсатиши, лойиҳаолди ва лойиҳа-смета ҳужжатларни тайёрлаш учун зарур бўлган бирламчи маълумотлар ва зарур ҳужжатларни тақдим қилиши;

4.1.6. Тайёр бўлган лойиҳаолди ва лойиҳа-смета ҳужжатларини тегишли давлат органлари ва ташкилотлари билан келишиб олишда Бош лойиҳачи билан бирга қатнашиши;

4.1.7. Бош лойиҳачи ишлар унинг лозим даражада бажарилмаганлиги аниқланган тақдирда уларни бартараф этиш учун оқилона муддат белгилаш;

4.1.8. Бош лойиҳачига иш натижасининг сифатсизлиги юзасидан талаблар билан чиқиш;

4.1.9. Тайёрланган лойиҳаолди ва лойиҳа-смета ҳужжатларининг камчиликлари борлиги муносабати билан учинчи шахс томонидан Буюртмачига нисбатан кўзгатиш даъво юзасидан ишда қатнашишга Бош лойиҳачини жалб қилиши шарт.

4.2. Бош лойиҳачининг мажбуриятлари:

4.2.1. Лойиҳаолди ва лойиҳа-смета ҳужжатларини ишлаб чиқиш бўйича ишларни лойиҳалаш ҳақидаги топшириқ ва бошқа бошланғич маълумотларга мувофиқ ҳамда келишилган график асосида вақтида бажариши, Буюртмачи билан бажариладиган ишларнинг (босқичларнинг) натижаларини келишиши;

4.2.2. Тайёр бўлган лойиҳаолди ва лойиҳа-смета ҳужжатлари бўйича белгиланган тартибда давлат органларидан тегишли экспертиза хулосаларини олиш.

4.2.3. Тайёр бўлган лойиҳаолди ва лойиҳа-смета ҳужжатларини Буюртмачи билан келишиб олиши, шунингдек, Буюртмачи билан бирга давлат органлари ва ташкилотлари билан келишиб олиш. Бундай келишувлар Бош лойиҳачи ҳисобидан ташкиллаштирилади ва амалга оширилади;

4.2.4. Тайёр бўлган лойиҳаолди ва лойиҳа-смета ҳужжатларини шартномада белгиланган муддатларда Буюртмачига топшириши;

4.2.5. Буюртмачининг лойиҳа олди ва лойиҳа-смета ҳужжатларига ўзгартириш ва қўшимчалар тўғрисидаги ёзма кўрсатмаларини, агар ушбу кўрсатмалар мазкур шартномага зид бўлмаса бажариши;

4.2.6. Лойиҳаолди ва лойиҳа-смета ҳужжатлари сифати ва таркиби бўйича асосланган талабнома юборилган кундан бошлаб **10 (ўн)** кун ичида камчиликларни бартараф қилиш;

4.2.7. Буюртмачининг розилигисиз лойиҳаолди ва лойиҳа-смета ҳужжатларини учинчи шахсларга бермаслик;

4.2.8. Шартнома мавзуси юзасидан субпудрат шартномалари тузилганлиги ҳақида Буюртмачини хабардор қилиш;

4.2.9. Лойиҳаолди ва лойиҳа-смета ҳужжатларини ишлаб чиқиш бўйича ишларни шартномада кўрсатилган муддатда ва ҳажмларда бажариб Буюртмачига топшириш;

4.2.10. Лойиҳаолди ва лойиҳа-смета ҳужжатларини ишлаб чиқиш бўйича ишларни қабул қилиш вақтида аниқланган камчиликларни ўз вақтида бартараф этиш.

4.2.11. Қурилиш мавсуми якунигача объектда муаллифлик назоратини олиб бориш.

5. Ишларни топшириш ва қабул қилиш тартиби

5.1. Лойиҳаолди ва лойиҳа-смета ҳужжатларини ишлаб чиқиш бўйича ишлар бажарилишининг алоҳида босқичларида ва шартномада кўрсатилган ишлар тўлиқ бажарилганда ҳамда ҳужжатларга ижобий экспертиза хулосаси олингандан сўнг Бош лойиҳачи томонидан расмийлаштирилиб Буюртмачига топширилиши керак бўлган лойиҳаолди ва лойиҳа-смета ҳужжатлари топшириш-қабул қилиш далолатномаси асосида қоғоз шаклида ҳамда электрон шаклларда (Word, Excel, PDF ёки Буюртмачи билан келишилган бошқа шаклларда) Буюртмачига топширилади.

5.2. Буюртмачи лойиҳаолди ва лойиҳа-смета ҳужжатларини ишлаб чиқиш бўйича ишларни топшириш ва қабул қилиш далолатномаси ва мазкур шартноманинг 5.1-бандида келишилган шаклда олгандан сўнг **10 (ўн)** кун мобайнида ишларни қабул қилади. Агар Буюртмачи ишларни қабул қилган кундан бошлаб **10 (ўн)** кун муддат

ичида Бош лойиҳачига камчиликлар кўрсатилган ишларни қабул қилмаслик ра жавобини юбормаса, ишлар қабул қилинган ҳисобланади ва бундай ҳолатда Буюртмачи ишларни топшириш-қабул қилиш далолатномасини имзолаб, бир нусхасини Бош лойиҳачига топшириши шарт.

5.3. Лойиҳаолди ва лойиҳа-смета ҳужжатларининг топшириш-қабул қилиш далолатномасининг имзоланиши унга нисбатан барча мутлақ ҳуқуқларнинг Бош лойиҳачидан Буюртмачига ўтганлигини тасдиқлайди.

5.4. Буюртмачи ишларни қабул қилмаслигининг асосли рад жавобини берган ҳолда зарур бўлган қўшимча ишларнинг рўйхати ва уларнинг бажарилиш муддатларини кўрсатган ҳолда, икки томонлама далолатнома тузилади.

5.5. Агар лойиҳаолди ва лойиҳа-смета ҳужжатларини ишлаб чиқиш бўйича ишларни бажариш жараёнида уни давом эттириш мақсадга мувофиқ эмаслиги аниқланса, томонлар **5 (беш)** кун муддат ичида уни тўхтатиш тўғрисида бир-бирини хабардор қилиши ва **15 (ўн беш)** ичида ишларни давом эттириш мақсадга мувофиқ ёки мувофиқ эмаслиги тўғрисида масалани кўриб чиқиши шарт. Ишларнинг тўхтатилиши томонлар учун Ўзбекистон Республикаси Фуқаролик кодексида кўзда тутилган оқибатлар ва жавобгарликка олиб келади.

5.6. Тарафлардан бири мазкур шартномада кўзда тутилган лойиҳаолди ва лойиҳа-смета ҳужжатларини ишлаб чиқиш бўйича ишларни тўхтатиш тўғрисида ёзма хабар берган вақт ўзаро ҳисоб-китоб қилиш вақти ҳисобланади.

5.7. Лозим топилган ҳолларда тарафлар холис экспертларга лойиҳаолди ва лойиҳа-смета ҳужжатлари бўйича хулоса учун мурожаат қилиши ёки қабул комиссияси ташкил қилиши мумкин.

5.8. Бош лойиҳачи ишлаб чиқиладиган лойиҳаолди ва лойиҳа-смета ҳужжатларининг техник топшириққа, техник шартларга, қурилиш нормалари ва коидаларига, давлат стандартларига, ваколатли ташкилотларнинг таклифларига ва мулоҳазаларига мувофиқлигини ҳамда аниқланадиган камчиликларни ўз вақтида бартараф қилинишини кафолатлайди.

6. Енгиб бўлмайдиган куч (форс-мажор) ҳолатлари

6.1. Агар ушбу шартнома бўйича мажбуриятлар қисман ёки тўлиқ бажарилмаслиги табиат ҳодисалари ва бошқа енгиб бўлмайдиган куч ҳолатлари натижасида келиб чиқса ва агар бу ҳолатлар мазкур шартноманинг бажарилишига бевосита таъсир этса, тарафлар бундай қисман ва тўлиқ бажармаслик учун жавобгарликдан озод этиладилар.

Мазкур шартнома бўйича мажбуриятларни бажариш муддати енгиб бўлмайдиган куч ҳолатлари амал қилган, шунингдек ушбу ҳолатлар юзага келтирган вақтга мутаносиб равишда узайтирилади.

6.2. Агар енгиб бўлмайдиган куч ҳолатлари ёки уларнинг оқибатлари бир ойдан кўп вақтга чўзилса, у ҳолда Буюртмачи ва Бош лойиҳачи ишларни давом эттириш ёки уларни қандай чоралар кўрилишини муҳокама қиладилар.

6.3. Агар тарафлар икки ой ичида келиша олмасалар, у ҳолда тарафлар шартномани бекор қилинишини талаб қилишга ҳақлидир.

6.4. Ушбу шартнома бўйича ёки у билан боғлиқ ҳолда тарафлар ўртасида келиб чиқадиган барча низолар ва зиддиятлар музокаралар олиб бориш йўли билан ҳал этилади.

6.5. Музокаралар олиб бориш йўли билан зиддиятларни ҳал қилишга эришилмаган тақдирда, мазкур шартноманинг тузилиши, унинг шартларининг ўзгариши, бузилиши, ижро этилиши, бекор бўлиши, тугатилиши ва ҳақиқийлиги юзасидан келиб чиқувчи барча низолар, келишмовчиликлар ва талаблар Иқтисодий судда кўриб чиқилади.

7. Махфийлик

7.1. Тарафлар бир-биридан олган ёки ушбу шартнома бўйича ишларни бажаришда уларга маълум бўлган маълумотларнинг махфийлигини, шунингдек мазкур шартномага

мувофиқ бошқа томоннинг розилигини олмасдан учинчи томонга бирон-бир маълумотни ошкор қилмаслик қилмаслик мажбуриятини оладилар.

7.2. Мазкур шартноманинг 7.1-банди талаблари қонун ҳужжатларида назарда тутилган ҳолларда ваколатли ташкилотларнинг талабига мувофиқ махфий маълумотларни ошкор қилиш ҳолатларига таалуқли эмас.

8. Тарафларнинг мулкӣ жавобгарлиги

8.1. Бош лойиҳачи лойиҳаолди ва лойиҳа-смета ҳужжатларидаги камчиликлар учун, шу жумладан кейинчалик қурилиш жараёнида, шунингдек тайёрланган лойиҳаолди ва лойиҳа-смета ҳужжатлари маълумотлари асосида барпо этилган объектдан фойдаланиш жараёнида аниқланган камчиликлар учун жавобгардир.

8.2. Лойиҳаолди ва лойиҳа-смета ҳужжатларида камчиликлар аниқланган тақдирда Бош лойиҳачи Буюртмачининг талаби билан лойиҳаолди ва лойиҳа-смета ҳужжатларини бепул қайта ишлаб чиқиши ва бунинг оқибатида келтирилган зарарни тўлаши шарт.

8.3. Тарафлардан бири шартнома мажбуриятларини бажармаган ёки зарур даражада бажармаган тақдирда айбдор томон иккинчи томонга етказилган зарарларни қоплайди;

8.4. Мазкур шартномада белгиланган муддатда молиялаштирмаганлиги учун Буюртмачи Бош лойиҳачига кечиктирилган ҳар бир кун учун мажбуриятлар бажарилмаган қисмининг **0,4 фоизи** миқдорида пеня тўлайди, бунда пенянинг умумий суммаси молиялаштирилмаган қисмининг **50 фоизидан** ошмаслиги лозим.

8.5. Бош лойиҳачи ишларни ўз вақтида бажариш бўйича мажбуриятларини бузганлиги учун Буюртмачига муддати ўтказиб юборилган ҳар бир кун учун мажбуриятларнинг бажарилмаган қисмининг **0,4 фоизи** миқдорида пеня тўлайди, бироқ бунда пенянинг умумий суммаси шартнома бажарилмаган қисмининг **50 фоизидан** ошмаслиги лозим.

8.6. Буюртмачи томонидан топилган нуқсонлар ва камчиликлар ўз вақтида бартараф этилмаган тақдирда Бош лойиҳачи сифатсиз бажарилган ишлар қийматининг **20 фоизи** миқдорида жарима тўлайди. Сифатсиз бажарилган ишлар ва унинг қиймати Буюртмачи ва Бош лойиҳачи ўртасидаги далолатнома асосида расмийлаштирилади. Жарима ундириш тўғрисидаги тўлов талабномаси далолатнома тузилгандан сўнг 10 банк куни ичида Бош лойиҳачига тақдим этилади ва Бош лойиҳачи томонидан 10 банк иш куни ичида тўлаб берилади. Бош лойиҳачи томонидан жаримани ундириш тўғрисидаги тўлов талабномаси белгиланган ўн кунлик муддатни бузган ҳолда тақдим этилган ҳолларда, жаримани ундириш белгиланган тартибда Тошкент туманлараро иқтисодий суди орқали ундирилади.

8.7. Пеня ва жарима тўлаш Тарафларни келгусида шартнома шартларини бажаришликдан озод қилмайди.

8.8. Шартнома бўйича мажбуриятлар бажарилмаганлиги учун мазкур моддада назарда тутилган жазолардан ташқари шартномани бузган томон иккинчи томонга бошқа томон тарафидан қилинган харажатларда, мол-мулкнинг йўқотилиши ёки шикастланишида, шу жумладан бой берилган фойдада ифодаланадиган пеня билан қопланмаган зарарларни қоплайди.

8.9. Мазкур шартнома билан назарда тутилмаган тарафларнинг жавобгарлиги Ўзбекистон Республикасининг амалдаги қонун ҳужжатларига мувофиқ белгиланади.

9. Низоларни ҳал этиш тартиби

9.1. Шартномани бажаришда ва бекор қилишда, шунингдек етказилган зарарларни қоплашда пайдо бўладиган низоли масалалар музокаралар ёрдамида ҳал қилинмаган тақдирда, қонун ҳужжатларида белгиланган тартибда Буюртмачи жойлашган жойдаги ваколатли суд органи томонидан кўриб чиқилади ва ҳал қилинади.

10. Шартномани ўзгартириш, бекор қилиш ва унга қўшимчалар

қилиниш тартиби

10.1. Шартномани муддатидан олдин бекор қилишга тарафларнинг келишуви мувофиқ ёки Ўзбекистон Республикасининг амалдаги қонун ҳужжатларида назарда тутилган асосларга кўра, етказилган зарар қопланган ҳолда йўл қўйилади.

10.2. Буюртмачи қуйидаги ҳолларда шартномани бекор қилишга ҳақли:

- Бош лойиҳачининг айби билан ишларнинг бориши ушланиб қолса ва ишларни тугатишнинг шартномада белгиланган муддати кечиктирилса;

- Бош лойиҳачининг шартнома шартларини бузиши оқибатида берилган танлов ҳужжатларидаги техник топшириқда назарда тутилган ишлар сифати пасайса.

10.3. Бош лойиҳачи қуйидаги ҳолларда шартномани бекор қилишга ҳақли:

- Бош лойиҳачига боғлиқ бўлмаган сабабларга кўра лойиҳа ишлари Буюртмачи томонидан тўхтатилса;

- Буюртмачи бажарилган ишларнинг ҳақини тўлаш имкониятига эга бўлмаса.

10.4. Шартномани бекор қилиш ҳақида қарорга келган тараф иккинчи тарафга 15 кун олдин ёзма билдиришнома юбориши шарт.

10.5. Шартномани бир томонлама бекор қилинишига йўл қўйилмайди.

11. Яқунловчи қондалар

11.1. Лойиҳаолди ва лойиҳа-смета ҳужжатларини ишлаб чиқиш бўйича ишлар натижаларидан нормал фойдаланиш имкониятини бермайдиган камчиликлар аниқланса, уларни бартараф этмасдан туриб натижалардан фойдаланиб бўлмаса, камчиликларни бартараф этиш Бош лойиҳачи томонидан ва унинг ҳисобидан амалга оширилади.

11.2. Камчиликларнинг мавжудлиги ва уларни бартараф этиш муддатлари Буюртмачи ва Бош лойиҳачининг кўшма далолатномасида қайд этилади.

11.3. Шартнома Ўзбекистон Республикаси Молия вазирлиги Ҳазначилик бошқармасидан рўйхатдан ўтгандан сўнг кучга кирган ҳисобланади ва шартноманинг амал қилиш муддати 31.12.2022 йил;

11.4. Мазкур шартнома Ўзбекистон Республикаси Молия вазирлиги Ҳазначилик бошқармасидан рўйхатдан ўтгандан сўнг кучга киради.

11.5. Мазкур шартнома давлат тилида икки нусхада тузилган бўлиб, иккала нусхаси ҳам бир хил юридик кучга эга ҳисобланади.

11.6. Мазкур шартнома билан назарда тутилмаган барча масалалар Ўзбекистон Республикасининг амалдаги қонун ҳужжатлари билан тартибга солинади.

12. Тарафларнинг банк реквизитлари ва юридик манзиллари:

“Буюртмачи”

“Тиббиёт қурилиш инжиниринг”

давлат унитар корхонаси

Тошкент шаҳри, Яққасарой тумани,

Боғубустон кўчаси 143 ўй.

х/р 2340 2000 3001 0000 1010

МБ ББ ХККМ Тошкент шаҳри

Банк код рақами 00014

СТИР 201 122 919

ш.х/р:

ЎзР МБ Ҳазначилик Амалиёт

Бошқармаси СТИР 202 017 477

ОКЭД 10220

Директор в.в.б.
А.Н. Худайбердиев

М.У.

“Бош лойиҳачи”

“ТАЪМИРЛОЙИХА” масъулияти

чекланган жамияти

Сурхондарё вилояти Термиз шаҳар

«Тахорий» кучаси 16 «Л» уй

х/р 2020 8000 0003 1205 2001

АТБ «Капиталбанк» г. Термез,

Банк код рақами 01032,

СТИР 200 472 974

ОКЭД 41100

тел: (93) 492-91-04

Директор

Х. Эрданов

М.У.

М.У.

М.У.

М.У.

М.У.

М.У.

М.У.

КАЛЕНДАР ИШ ЖАДВАЛИ

№	Шартнома бўйича ишларнинг номи ва уни амалга оширишнинг асосий босқичлари, лойиҳалаш босқичи	Тугатиш муддатлари	
		Бошланиши: ой, йил	Охири: ой, йил
1	Тошкент шаҳар Мирзо Улугбек тумани 2-сонли клиник шифохонасини реконструкция қилиш объектининг лойиҳа-смета ҳужжатларини ишлаб чиқиш ва Қурилиш вазирлиги ҳузуридаги шаҳарсозлик ҳужжатлари экспертизасидан ҳулосасини олиш билан биргаликда, объектнинг атроф-муҳитга таъсирини баҳолаш (АМТБ) лойиҳасини ишлаб чиқиш (тузиш) ва давлат экология кўмитасидан ҳулосасини олиш, ҳудуднинг топографик тасвирларини олиш (зарур бўлганда) (кейинги ўринларда лойиҳаолди ва лойиҳа смета ҳужжатлари деб аталади)	28-мартъ 2022й	14 апрель 2022й

“Буюртмачи”

“Тиббиёт қурилиш инжиниринг”
 давлат унитар корхонаси



(Handwritten signature)

“Бош лойиҳачи”

“ТАЪМИРЛОЙИХА”
 маъсулийяти чекланган жамият



(Handwritten signature)



Ўзбекистон Республикаси Қурилиш
вазирлиги

№ 5862-475d-cea8-b5d3-3f08-2965-7451
Ҳужжат яратилинган сана: 2019-11-15

Ҳужжат берилган: ТАЪМИРЛОЙИХА МЧЖ
Қабул қилувчининг идентификация рақами: 200472974

Архитектура-шаҳарсозлик ҳужжатларини ишлаб чиқиш фаолиятини амалга ошириш учун ЛИЦЕНЗИЯ

ТАЪМИРЛОЙИХА МЧЖ га объектларнинг мураккаблик тоифалари классификатори бўйича III тоифадаги объектлар учун қуйидаги:
Тўлиқ комплексда лойиҳалаш бўйича фаолият турлари. А гуруҳи - Уй-жой-хўжалик қурилиши учун объектлар ва комплекслар лойиҳа-смета ҳужжатларини яратиш, шу жумладан уларнинг муҳандислик тармоқлари ва тизимларини лойиҳалаштириш. Транспорт ва йўл қурилиши объектлари ва комплексларини лойиҳалаштириш, шу жумладан уларнинг муҳандислик тармоқлари ва тизимларини лойиҳалаштириш. Магистрал муҳандислик тармоқларини (магистрал газ қувурлари, нефть қувурлари ва нефть маҳсулотлари қувурларидан ташқари) лойиҳалаштириш. Меъморчилик ва шаҳарсозлик ҳужжатларини алоҳида бўлимларини ишлаб чиқиш бўйича фаолият турлари. Б гуруҳи - Махсус объектлар ва иншоотларни лойиҳалаштириш. фаолият тур(-лар)и билан шуғулланишга лицензия берилди.

Лицензия берилган сана: 15-11-2019 йил

Лицензия рақами: АЛ-000341

Солиқ тўловчининг идентификация рақами (СТИР): 200472974

Юридик шахснинг почта манзили: III ШОДЛИК МАХАЛЛАСИ БОКУМЕНКО КУЧАСИ 9 А УЙ

Лицензия амал қилиш муддати чекланмаган.

ИНОЯТОВ МИРАББОС МИРКОМИЛОВИЧ

Мазкур ҳужжат Вазирлар Маҳкамасининг 2017 йил 15 сентябрдаги 728-сон қарори билан тасдиқланган Ўзбекистон Республикаси Ягона интерактив давлат хизматлари портали тўғрисидаги низомга мувофиқ шакллантирилган электрон ҳужжатнинг нусхаси ҳисобланади. Электрон ҳужжатнинг нусхасида кўрсатилган маълумотлар тўғрилигини текшириш учун gero.gov.uz веб-сайтига ўтинг ва электрон ҳужжатнинг ноёб рақамини киритинг ёки мобил телефон ёрдамида QR-кодни сканер қилинг. Диққат! Вазирлар Маҳкамасининг 2017 йил 15 сентябрдаги 728-сон қарорига мувофиқ электрон ҳужжатлардаги маълумотлар қонуний ҳисобланади. Давлат органларига Ягона порталда шакллантирилган электрон ҳужжатларнинг нусхаларини қабул қилишни рад этишлари қатъиян тақиқланган.



«ТАСДИҚЛАЙМАН»

“Тиббиёт қурилиш инжиниринг”
давлат унитар корхонаси директори
А.Худайбердиев
2021й.



Тошкент шаҳар Мирзо Улугбек тумани 2-сонли клиник шифохонасини реконструкция қилиш объектининг лойиҳа-смета ҳужжатларини ишлаб чиқиш ва Қурилиш вазирлиги ҳузуридаги шаҳарсозлик ҳужжатлари экспертизасидан ҳулосасини олиш билан биргаликда, Объектнинг атроф-муҳитга таъсирини баҳолаш (АМТБ) лойиҳасини ишлаб чиқиш (тузиш) ва давлат экология қўмитасидан ҳулосасини олиш, ҳудуднинг топографик тасвирларини олиш (зарур бўлганда) ва геология ишлари олиш учун энг яхши таклифни танлаш бўйича харид комиссияси йиғилишининг

2022-03-1-сонли БАЁНИ

2022 йил 21 март

Тошкент ш.

Ўзбекистон Республикаси Соғлиқни сақлаш вазирлиги “Тиббиёт қурилиш инжиниринг” давлат унитар корхонасининг 2021 йил 4 августдаги 101-ич-сонли буйруғи билан тайинланган доимий танлов ва ишчи комиссия таркиби қуйидагича:

Комиссия раиси:	А.Худайбердиев	“Тиббиёт қурилиш инжиниринг” ДУК директори;
Комиссия раиси ўринбосари:	З.Тожиев	Бирламчи рухсат берувчи, лойиҳа ҳужжатлари ва танлов ҳужжатларини тайёрлаш бўлими бошлиғи ;
Комиссия аъзолари:	Р.Каршибоев	Лойиҳаларни бошқариш ва қурилишни техник кузатиш бўлими бошлиғи;
	И.Джураев	Молиялаштириш, маркетинг, манзилли дастурларни тайёрлаш бўлими бошлиғи;
	У.Алпомишов	Ҳисоб-китоб бўлими бошлиғи;
	А.Зокиржонов	Танлов савдоларини ташкил этиш ва хўжалик-шартнома муносабатлари бўлими бошлиғи;
	А.Искандаров	Хўжалик мудирини;
Танлов комиссиясининг котиби	С.Тўраев	Танлов савдоларини ташкил этиш ва хўжалик-шартнома муносабатлари бўлими бош мутахассиси.

Ўзурли сабабга кўра Бирламчи рухсат берувчи, лойиҳа ҳужжатлари ва танлов ҳужжатларини тайёрлаш бўлими бошлиғи З.Тожиев танловда иштирок этмади

КУН ТАРТИБИ:

Тошкент шаҳар Мирзо Улугбек тумани 2-сонли клиник шифохонасини реконструкция қилиш объектнинг лойиҳа-смета ҳужжатларини ишлаб чиқиш ва Қурилиш вазирлиги ҳузуридаги шаҳарсозлик ҳужжатлари экспертизасидан хулосасини олиш билан биргаликда, Объектнинг атроф-муҳитга таъсирини баҳолаш (АМТБ) лойиҳасини ишлаб чиқиш (тузиш) ва давлат экология қўмитасидан хулосасини олиш, ҳудуднинг топографик тасвирларини олиш (зарур бўлганда) ва геология ишлари олиш учун энг яхши таклифни танлаш бўйича.

(Худайбердиев, Тоғжиев, Қаршибоев, Джўраев, Алтомшиев, Зокиржонов, Искандаров, Худайбердиев)

Кун тартибига қўйилган масала юзасидан комиссия раиси - (А.Худайбердиев) сўзга чиқиб, Тошкент шаҳар Мирзо Улугбек тумани 2-сонли клиник шифохонасини реконструкция қилиш объектнинг лойиҳа-смета ҳужжатларини ишлаб чиқиш ва Қурилиш вазирлиги ҳузуридаги шаҳарсозлик ҳужжатлари экспертизасидан хулосасини олиш билан биргаликда, Объектнинг атроф-муҳитга таъсирини баҳолаш (АМТБ) лойиҳасини ишлаб чиқиш (тузиш) ва давлат экология қўмитасидан хулосасини олиш, ҳудуднинг топографик тасвирларини олиш (зарур бўлганда) ва геология ишлари олиш учун энг яхши таклифни танлаш бўйича шартнома тузиш кераклигини таъкидлаб ўтиб, “Тиббиёт қурилиш инжиниринг “Давлат Унитар корхонасининг etender.uzex.uz сайтида 22110012052019-сонли лот рақами берилганлиги маълум қилди.. Тақдим этилган корхоналар таклифлари билан комиссия аъзолари атрофлича таништириб чиқилди.

Харид комиссияси аъзоларида мазкур 22110012052019-сонли лот иштирокчилари билан аффилиланганлик хусусиятига эга алоқалар мавжуд эмас.

Ўзбекистон Республикасининг “Давлат харидлари тўғрисида”ги Қонунининг (ЎРҚ-684-сон, 22.04.2021й.) 23-моддасига кўра, иштирокчи ва унинг аффилиланган шахси мазкур 22110012052019-сонли лотда иштирок этмаяпти.

Муҳокамага қўйилган масала юзасидан 2 (икки) иш куни давомида ҳеч қандай таклифлар келиб тушмади ва норозиликлар билдирилмади.

Маълумотлар stat.uz саҳифаси орқали текширилди.

Таклиф этилаётган нархлар қуйидагича белгиланган.

1. “ТАЪМИРЛОЙИХА ” МЧЖ– 28 528 000 сўм, ҚҚС билан.
2. “LUCKY REBIRTH” ХК – 35 000 000 сўм, ҚҚС билан
3. “OPTIMAL ARCHITECT GROUP ” МЧЖ– 35 000 000 сўм, ҚҚС билан.
4. “QARSHI KONSTRUKTSIYA DIZAYN” МЧЖ – 39 000 000 сўм, ҚҚС билан
5. “ORDER MAX PROJEKT ” МЧЖ– 40 000 000 сўм, ҚҚС билан.

Комиссия аъзоларининг хулосасига кўра “ТАЪМИРЛОЙИХА” МЧЖ корхонаси таклиф қилган нархлар энг паст деб топилди.

Комиссия қарор қилади:

1. Тошкент шаҳар Мирзо Улугбек тумани 2-сонли клиник шифохонасини реконструкция қилиш объектнинг лойиҳа-смета ҳужжатларини ишлаб чиқиш ва Қурилиш вазирлиги ҳузуридаги шаҳарсозлик ҳужжатлари экспертизасидан хулосасини олиш билан биргаликда, Объектнинг атроф-муҳитга таъсирини баҳолаш (АМТБ) лойиҳасини ишлаб чиқиш (тузиш) ва давлат экология қўмитасидан хулосасини олиш, ҳудуднинг топографик тасвирларини олиш (зарур бўлганда) ва геология ишлари олиш учун энг яхши таклифни берган учун “ТАЪМИРЛОЙИХА” МЧЖ ташкилоти таклифи бир овоздан маъқуллансин.

2. “ТАЪМИРЛОЙИХА” МЧЖ танлов ғолиби деб топилсин ва ушбу корхона билан шартнома имзолаш мақсадга мувофиқ деб белгилансин.


Ушбу баённома ижроси Танлов савдоларини ташкил этиш ва хўжалик-шартнома муносабатлари бўлими бошлиғи А.Зокиржонов зиммасига юклатилсин (Овоз бериш натижалари: Тарафдор – 7 киши, Қаршилар – йўқ, Бетарафлар – йўқ).

Йиғилиш баённомасининг тузилиши тўғри деб комиссия аъзолари:


Р.Каршибоев



И.Джураев



А.Зокиржонов



У.Алпомишов



А.Искандаров



Баённи олиб борди



С. Тўраев